

黎氏家集

x

蘇子瞻
集
PDG

椒園詩鈔卷第五

遵義 黎庶蕃 晉甫

唐鄂生 炯 觀察為余世交文章經濟籍甚一時惜
三十年來都未識面作長句奉寄用達傾倒之私
亦以結文字中香火因緣耳

唐侯氣清神似玉日對琳琅萬餘軸經生結習老不除
何怪尋常食無肉梁園舊客君憶不小尹巢空邵亭歿
後來繼者誰出羣吾甥李潮亞莫六

謂鄭伯更及並升

當時論

交獨君晚况復飢驅頭漸禿不論識面我終疏翻憾出

山君太促石頭城西餞吾黨

趙珊

二問訊唐寅幾歌哭每

慟先公靈爽孤欲起史遷徵實錄老櫟一別今十年先從

兄伯庸

琴書遠瘞牢江曲出守徒聞北海豪襄子請纓未

洗終童辱

顏建侯

綿州春城二三月青衣江水蒲萄綠故

交落落無尺書餘子紛紛空滿目如君仕宦古亦稀籍
甚循聲滿西蜀功成始識馮異高吏隱誰言陶令俗即
今錦里懷故人誰為浣花結茅屋多牛應亦愧閒身失
馬焉知非後福椒園居士野鶴羣髮白不歸空閉門行
歌江上漁樵夕卧病淮南煙雨村兒啼妻瘦動鄰里道
遠楓青傷旅魂為君獨上高樓望日暮琴臺何處雲

紅橋

在瓜洲東岸

青山露白塏綠水環滄洲蒲深漸覆鴨草淺不沒牛依
依村落交藹藹桑竹浮卧聞雨中碓起踏江上舟朱櫻
爛欲滴紫筍行已抽先生老無事拄杖時一游不論陰
與晴會意輒少留橋南一寸峯碧上花樹頭連娟映谿
水飲此真無求奈何謝公屐屢登王粲樓白髮掃不盡
青衫徒自羞明當問田舍遠引從白鷗

種松 并序

余久客維揚舊買平山西嶺隙地數弓為諸殤
瘞藏之所於茲二年矣乃命守者購稚松植之
冀將來成陰有日或亦備憩息之地與

江南少松栢江北獨蒼翠自我來平山種此一弓地連
岡起伏殊委蛇若辨土宜黃壤異中區平敞信堪穴四
面膏腴忍先棄老農抱甕終日忙攜得纖纖百莖至泥
枯根損葉憔悴入土已含垂死意忽然一雨膏澤流戢
戢千頭爭吐氣毫末遲蘇睡初醒拱把先抽怒難制亭
亭八尺高有餘腹中漸蓄凌雲志嗟余本似百日客那
復能為十年計留雲待鶴亦奢望畧可唵風偶來憩就
中豈無梁棟姿或恐尚有晚成器儲材待用我不知大
厦如成要磨礪

登瓊花觀最高樓有懷汪蓬仙齋尹

昔年嘗同
登此樓

捲簾拂河漢引手摘星斗俯看飛鳥翔側送落日走不
知身漸高已亞合抱柳尚疑塵未遠五步一回首明窗
洞虛幌高浪蹴瓜口遠見隔江山空濛半無有何人建
斯樓氣壓千尺阜垣荒歲月古畫剝丹青朽浮生等過
客富貴一塵垢百年能幾何那不念吾友天風吹白雲
片片落我酒森然欲秋意頗似新雨後坐呼明月來復
此徘徊久俯聽下界鐘黃昏已鯨吼

西望

朝望千山碧暮望千山赤但見山外雲已隱天邊日我
家在何許目斷歸鳥夕當時手種樹聞道已百尺阿通

不識字亦頗辨菽麥苦無二頃田何以應徭役今年食
枯硯明年送歸客往來江上路處處有陳迹江神不我
恕意以貪鄙責白雲忽開口一笑輟然失

讀蘇文忠公繫御史臺獄諸詩書示兒姪輩

世間誰似蘇長公弟兄友愛情特鍾瓊雷竄逐隔雲海
夢魂尚許遙相通魏文何人恩太薄陳思七步詩徒工
千秋骨肉有疑案玉斧竟出皇王宮詩人嫉讒戒女德
枕衾禍伏啼笑中微時患難豈足念耨鉏遂鯁名賢胸
人生百歲世有幾暫時共被元恩恩何況猜嫌兩胡越
瑕疵求取誰為雄風歌于田美將叔泣涕而道多彌縫

金銷裘敝事亦偶洛陽四顧真途窮西山薇蕨縱可采
萬世不洗罵陵風淮南顓蒙眼流血至今斗粟無人春

秋夕

秋在天涯何處邊瓜洲夜火蕪城煙殘鐘度暝月銜嶺
啞柝驚寒霜滿天蒹葭懷人已上番去聲燕雁失侶猶孤
鶯籬花蕭條少顏色故衣囊香經幾年

夜至城南觀音寺

背郭隱招提霜清秋夜淒星河一雁下露草百蟲低殿
作砢砢峭竅將睥睨齊誰言市廛裏來往自幽蹊

再至

舊識城隅路茅茨無十家暗風驚夜竹久雨蠹籬花犬
黠能迎客僧貧但煮茶木魚呼暝色愁絕後棲鴉

殘月篇

明河隱樹天宇青殘月出嶺光微明羣星睽睽北斗傾
中庭露下浩已盈秋蟲絡緯風葉零豆花籬落如人行
一杯易盡吾欲醒高歌出戶棲鳥驚蕪城夜柝催四更
膈膈膊膊荒雞鳴廢書不寢鐙青熒誰家玉笛高樓橫
斷腸忽作憾別聲使我淚下難為情

對酒

蘭陵美酒泛金卮璧月流暉又一時座上誰彈白翎雀

有人低首淚先垂

八月十六夜月

空庭白露下萬籟寂無聲
天挾河西轉雲衝月倒行薄
寒殊可畏幽夢總難成
莫作將圓看虛留竟夕情

九日獨酌

晚節不成興獨游還獨歸
霜欺菊委地寒壓酒無威
布帽年年在金錢事事非
猶憐小黃蝶還繞破籬飛

睡起

一夢酣酣暫息機
覺來風葉有聲微
不知東嶺上寒月
但見西窗生白暉
閒檢舊書疑隔世
劇談農畝似真歸

明朝更遣阿通去又看鴛鴦接翅飛

是時兩子一姪俱遣旋里

莫使君并序

同治中粵寇甫平江省民力凋敝吾友莫君祥
芝宰六合與民休息閱三年而政成君之去也
士民謳之有古良二千石之風焉今距其時蓋
十稔矣余以事偶過邑境維舟浦口父老猶有
道之者為作此詩專徇民隱不必示莫君也

青山綠浪環作家黃紬被裏放早衙野人相攜看官長
美髯紅頰頰於霞今年雨足多桑麻隔牆隱隱聞縑車
書聲出與市聲和小兒拍手呼民爹問宰讀何書豈是

禾譜耶不知使君注南華捧腹大笑羣相譁十月黃稭
熟牛背棲老鴉牽羊復擔酒處處來插花年豐歲稔皆
帝力使君何與勞咨嗟懸樓日夕更鼓過明月漸上煙
水涯詰朝吏民莫作劇留鞭截轡誣吾鞞

江亭

野徑圍芳樹江亭覆白沙日長惟倚杖春盡獨思家淺
草牛羊岸空庭枳棘花客居無定所隨分種甘瓜

野望

小市桃蹊外芳原麥氣中野風交遠翠沙浪擁殘紅為
客登臨倦無家出處窮淮南憂米貴漂泊信衰翁

江國

江國雨如絲孤舟傷別離欲從故人去滿眼是江蘼

憶舊游拈得鳥字三首

相寶山

斷崖如削出遠勢龍象矯何年置琳宮半入雲霧表飛
欄倚空峻細路盤煙小陰壑垂蘚花晴嵐挹高鳥登臨
此發興下瞰城郭杳萬室青鱗鱗蒼煙夕陽繞頑僧苦
多事鑿空去聲坐幽窅到今磨斧處石斷山骨悄別來已
廿年勝地甯自保應恐蓬萊宮戰血腥野草

雪厓洞

清谿如玉玦反抱煙外島沙柳長陰陰晴波自渺渺雪
崖當其北古洞深窈窕巖風無時發萬古一清曉紅塵
飛不到白水暮長繞層軒切隄脣高牖明樹杪南望煙
草涯沙碧晴更好飛橋彎環出影卧一虹小想見橋畔
祠盡日啼野鳥何人解獨游除是廣文老莫芷升方以
省志之役留
陽貴

湘山寺

去郭曾幾何回谿已千繞鶴池春水生泠泠玉泉好高
僧獨具眼占此一邱小古木龍蛇交蒼藤雲霧倒到來
不知門徑暗修竹老翳余昔好事蓐食慣幽討偶然盡

曲折欲出迷未了殘陽背西嶺衆綠生窈窕時於清磬
邊一見五色鳥

春晚自姬人墓至平山堂夜寐不成輒成長句

平山堂西西日遲司徒廟前煙草滋老去怕經理憾地
別來又是送春時可憐明月長如舊忍把揚州更屬誰
一院殘鐘八年夢教人青鬢頓成絲

詠史四首

襴衡驕恃才灌夫老罵座二子狂不羈直以身賈禍悠
哉天際雲杳杳隨風過俯見神武門徘徊不肯墮
空山多白雲蓊蔚不可掃終年斷樵牧虎迹紛載道幽

人此遁世云是采芝老豈不念功名用拙以為寶
飛飛隴山禽夙昔勞玉手一朝恩惠盡金籠復何有榮
華雖足慕遇合甯可苟所以嚴子陵終為富春叟
蘇季還洛陽百事遭坎坷固知未遇時才不多於我春
風藹然至淑氣含婀娜野芳雖無名亦自成花果

月河口寄張輔廷疆秀才

滬上秋風急淮南木葉凋故人多阻隔塵鬢獨飄蕭海
色一邊雨江聲八月潮落帆定何處今夜宿金焦

唐元宗西狩圖

岷峨兩點鑱太清劍鉞割天天為驚秦時古道燒不絕

紅棧一線相鉤縈浮梁挂空裊娉婷秋雲峻與闌干平
壁上人馬蟻蝨行緣沿秋毫度崢嶸散關渭水鼙鼓鳴
羯胡犯順流餘腥內人阿監哭失聲顛坑仆谷非人情
長蛇吮血白骨橫哀我戍卒傷其生一夫發難萬乘輕
百二秦關虛有名嗚呼畫師圖厥形如史如鑑如箴銘
天寒閣道秋雨零上皇何日還玉京由來恃德不恃險
使我西望悲錦城

聞張廉卿已返金陵却寄

渡江十日雨一洗衣上塵高齋復何有有竹覆四鄰開
簾亂風葉掃徑懷故人舍弟純齋方遠使倫敦故人游未歸歲月